

Anpao Kin

THE DAYBREAK.

"Wankantanhan Anpao kin hiyouhipi" Luke 1. 78

VOL. XVII

FOREST CITY, SO. DAK., JULY, 1901.

NO 7

ANPAO - KIN:

Rev. E. Ashley, Editor
Rev. W. J. Cleveland, Editor

Anpao wotamin wawapi kin wi iyohina. wiyawapi anpetu tokaheya eca wawapi tokxa kin ogna yewicakiciyapi eca.

Wi akemom (one year) on kaxpapi yamni kajujupi kta.

Wi xape kin kaxpapi wanji sam okise. Iepi xni itokab kcajupupi kta.

Wowapi askabyapi maxaxana wanji qaix noupa owapi kin. mazaska cekiya. ANPAO KIN opetom okihipi kta.

Tuwa wowapi kagin kta ca wowapi sku sani el owa kta.

Opetonpi kta wowapi hiyakiyapi qaix ed taku oyakapi kta ciapi na hiyakiyapi ca. wowapi ojuba akand deced owapi kta.

REV. E. ASHLEY,
Cheyenne Agency, S. D.

Yawaxeya Cajeyatapi Wo upi Waa

ANPAO KIN iekoyagunayampi qa wicoran waxte ecom iyompaxtakapi kta wookihipi yulaa. Oko lakiciye-wakan opapi tka a bebya tipi kin. hena iyotan taakiye waxte heca kta. Bixop waun kin eciyatanhan taku ecomon onxpaxpa oyakapi qa taku bidotamin kta wacha kin hena owasin. qa Tipi wakan iyaza omayani woyakapi kin hena. qa nakun Okodakiciye-wakan kin wotamin tawa toktokeca el kagapi kta. Oyate unkitawapi kin owasin anpao kin iepi qa sann wicaxa tokeca wicagupi nia ecomni.

W. H. HARE,
Yewicaxipi Bishop

Sioux Falls, S. Dakota.
May, 1901.

The NIOBRARA CONVOCA-TION is hereby called to meet at 9 A. M., on Wednesday, September 25th, on the Pine Ridge Reserve, on Wounded Knee Creek, near the Chapel of the Messiah.

The date is chosen in order that the Rev. Dr. Lloyd and other possible visitors from the East may spend Sunday, September 22nd in Chicago, Omaha, or other city, visit the Niobrara Convocation and leave there in time to reach Denver or some other western city for Sunday, September 29th, and San Francisco in time for the opening of the General Convention.

William H. Hare

Missionary Bishop.

Attest: Wm. Holmes,

Con. Secretary

ABDEZA PO.

Sioux Falls, S. D.

May, 1901.

Tokata anpetu iyanmi qa Sept. 25th, 1901, Pine Ridge Agency (Oglala oyanke ekta) cankpeopi wakpamni en Messiah Tipi wa-

kan kin ikiyena hen hinhanha eciyatanhan wihiyena najcin-wanka ape ehan Niobrara Convocation mniciyapi kta e de on wicakicopi.

Wiyawapi de wakanige cin he kaken on becomon Rev. Dr. Lloyd qa nakun toktokeca etanhan wiyohinyanpatanhan upi kte cin hena anpetu wakan Sept. 22, he en Chicago qais Omaha en unpi kte qa hetanhan Niobrara Convocation ekta hiipi kte qa iyoopta iyayapi qa wiyolipeyata Denver qa otonwe toktokeca ekta Anpetu wakan Sept. 29, icunhan unpi qa hececa San Francisco ekta General Convocation tokaheya yuldokapi kte cin iyehan ihannipi kte.

William H. Hare,

Missionary Bishop

Attest: William Holmes,

Secretary.

Bishop unkitawapi kin, wowapi ihakuya kagapi kin, he lecala Wošna kagapi wicaxu, nahau Anpao el untagapi.

Sioux Falls, S. D.,

June 14, 1901

Niobrara Deanery el Wošna kagapi kin:

Niyepi etanhan tona owakihipi kin ciepi wowaglaka cin ohakab, tokata Convocation ecompi kte cin el, taku kin lena iwoglakapi kta e wakaliniga.

1. Duty of the Laity to the Church.

Okolakiciye Wakan etkiya oyate kin tokel ecompi kte cin—

A. In the support of local services.

Tiyata wacekiyapi kin okiyapi kte cin on.

B. In building and repair of churches.

Tipi wakan kagapi na apiyapi kin on.

C. In contributions to Missions, Diocesan and General.

Bishop tobašpe kin el na owancaya Yewicaxipi kin womnaye kin on.

D. In societies of men and women.

Wica na Winyan omnicieye el.

*Tokaheya cajeyat'in kta.

Ekake woglakin kta.

2. The Christian's attitude towards the old life.

Tani wicohan kin on Lakota Christian kin tokel opiiciyin kta.

3. The Christian's attitude to-

wards Ungodliness in those who represent the Government among the Indians.

Tunkansilayapi etanhan, Maka itancampi Lakota egna unpi na Wakan eekiyapi opapi šni on Christian kin tokel opiiciyin kta.

4. Indians and Disease.

Lakota oyate na Wicowayazan (Wicokuja).

a. Personal Habits.

Tancan kin on igluhapi kta

b. Care of Sick.

Wayazankapi tokel wica kuwapi kta.

c. Care of the Home.

Tiwahe tokel awanyakapi kta.

5. Indians and Allotments.

Lakota na maka iepi kin.

6. What Industries the Indians should adopt as useful to Self-Support.

Lakota sanpa iyoptapi kta e Wobliheca wicohan sann iepi kta hena taku he.

Tokeša taku šakpe kin lena tokel owecihan iwoglakapi kte cinhan Convocation el Wicaša wakaa iyucampi kta.

Lena cajeyatapi eca Winyan kin hena hel yankapi na nakonpi kin he wašte. Iye iyatayela mniciyapi kin el taku kin lena iwackieglakapi kta.

1. Christian winyan kin tokel tiwahe awanglakin kta.

The Christian Woman as a Housekeeper.

2. Christian winyan na cinca kin.

The Christian Woman and her Children.

3. Christian winyan kin Okolakiciye el tokel opiiciyin kta.

The Christian Woman in the Church.

W. H. Hare

Bishop

*Tokaheya cajeyat'in kta na ehake woglakin kta eyapi kin, he taku iwoglakapi kta igokita. tuwa-wan ecomsipi kin he tokaheya woglakin kta, na hehan tuwa-ke ceyus he an taku eyin kta. nahau tuwa ecomsipi kin he ehake woglakin kta, ke kapi.

Wounded Knee, S. D.

Oglala ekta Niobrara Deanery Convocation ecompi kta on woyakapi wan.

Anpao kin:

Oglala Convocation ecompi kta on Bishop Hare kahaige

gon he lecala Ateyapi lel yanke cin he kici woglag unšipi na Christian Unity owancaya omnicieye etanhan unkalnigapi na heon Rev. W. J. Cleveland kici Ateyapi kin Mr. Brennan wonglakapi na Convocation kta ca on wicohan tona iwounglakapi kin owasin iyokipi heca ikpazo, na unkiš eya iyounkipipi. Eya woyate koya. Ho eya tona Convocation ekta yaunpi kte gon iyuškinyan yaunpi kta. Unkiš eya iyuškinyan unqonpi lakaš nayašonpi wacin kin on owanciyapi. Ho akic le on tokata iyapi wanji epia kta. Tona le wanlakapi owasin aape ciyuzape mitakolapi. Joseph Black Bear.

Miniwanca koakatanhan oyate wanji Turk ewicakiyapi kin inš eya kiktapi yunkan mazanahtagyapi (typewriter), na taku waštešte na wowinlagyepica lecala iyoyapi nainš kagapi kin heca etan opeiçitonapi na tokel unpi kta onspeiçiciyapi kin on tokša maka oyate tankinkinyan unmapi kin ob owanjila tanyan oçihipi kta iyceca tanin yunkan ungnahana ataya itancan tawapi kin he iyowicakipi šni. Iye tamakoce kin ekta taku hececa iyuba anapita kta cin. Owekinnahanš taoyate takuku hececa onspepi yunkan hekta tokel iye tawiyu-kean kin, na inšala tokelkel iyokipi kin hececa kin ogna ŋinsa wicayula gon he iyecel tokata ŋinsa wicayula okihipi kte šni kkipa na hecon. Mazanahtagyapi nainš ogna woglakapi maza taku ni yuhapi kte šni wasuwicakiya.

Hołwoju oyate kin wanra wašte ayapi. Canpa Wakpa ekta ececompi gon akisnipi, na Wakpa wašte iyoliłoke el ewicagnakapi gon June 27 wicayuskapi. May wi icunhan Pine Ridge makobašpe ekta wicaša topa hanhanpi tka wana tanyan akisnipi. Rosebud na Hołwoju ekakta lila wicahanhan kin ota on ŋapi tka.

Hekta omaka kin icunhan Ikee-wicaša koktopawinge šakowin wahocetu wašican iyecel makoce iepi. Heconpi kin wana ataya koktopawinge wikeemna šak, e sann iyeya yunkan hetanhan koktopawinge wikeemna wanji citizen omnye kin ihumipi na vote ecompi kta okihipi.

THE DAYBREAK.

Rev. E. ASHLEY,
Rev. W. J. CLEVELAND
EDITORS.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter

OKOLAKICIYE WAKAN WIYAWAPI.

July wi kin.

- 7. Yamni iyohakab Anpetu Wakan izaptan To
- 14. Yamni iyohakab Anpetu Wakan isakpe To
- 21. Yamni iyohaka Anpetu Wakan isakowin To
- 25. St. James, Wahošiyepi Tapanpetu Sa
- 28. Yamni iyohakab Anpetu Wakan isaglogan To

Wotanin-wašte Ayapi On Wocekiye.

Anpetu iyohi wicokiyaya he cin ehan heyapi kta:

Wanikiya wašte isto wacantikya nitawa kdugad, canicipawega akan otkeyahan yam tka qon, maka akan wicaša un kin owasin Niye ekta etonwanpi qa niwicayapi nunwe. Amen.

Okolakiciye Wakan kin Wiwicawangapi tawa kin oieska pcecela wan.

Wowicala nakun.

Woniya Wakan kin.

Woope izaptan nahan Litauy kin el woeye iyamni kin wanyakapi kta. Woniya Wakan Yamnipi wakan el iciyamni kin-he awicakeya Wakantanka ee, St. Matt. 28:19; Olan. 5:3, 4; 1 Kor. 3:16, 17 hetanhan tanin. Nakun wicaša (person) na olan is wowašake ecela šni, he St. John 14:26; 2 Kor. 13:14 etanhan tanin. Wowapi wakan ataya Woniya Wakan eciyatanhan kagapi, 2 Tim. 3:10; icin "Wicaša wakan ehanni Woniya Wakan tokel iewicakiya" hecel eyapi ece, 2 Inyan 1:21. Pentecost, lehan Whit-Sunday (Anpetu Wakan ska) unkeyapi kin he ehan Woniya Wakan tokaheya Okolakiciye Wa-

kan el yešipi. Wicohan tawa kin "wiconi wicagu kin he" St. John 3:5; "iyoyabwicayin kta", St. 14:26; "wicayuwakan kta", 1 Kor. 6:11; na iyotan wacekiyapi el owicakiyin kta, Roma. 8:26; St. Luke 11:13. Wayuteca wayuwakan towašake kin he ohinni iceumkiyapi kta, hecel towašte el unkiecagapi kta, nahan Christ Taniya kin on unkojupila kta. Woniya Wakan kin he iyokišilumyanpi kte šni, Ephesos 4:30; na Ateyapi kin na Cinhintku kin ob okiwanjila kin on ohinni ohounlapi na unyatanpi kta iyececa.

Okolakiciye Wakan kin.

Okolakiciye Wakan kin he Christ tancan kin ee, na tona huhawicaye cin tona Iye wicalapi kin, na wotanin wašte on woonspe kin on maka etanhan wicakicopi na toie kin ognayan oholapi kin hena eepi. 1 Kor. 1:2; Kol. 1:18; 1 Inyan 2:9; Ephesos 2:19-22. Woope 19 wanyakapi kta. Baptisma unqupi eciyatanhan he opetunyanpi, hecel Christ huba heuncapi na iye unketanhanpi. Tuktel wakiconza tona Christ wicagu kin hena ecel econpi kin hel Okolakiciye Wakan un. Wowicake tipi kin heca, 1 Tim. 3:15; na Oinajin wan tuktel wowicala kin ecel, akagešniyan na aoptelyešniyan onspewicakiya kin hee, St. John 14:26; 16:13; nahan wicozani oyanke tuktel wicanagi zaniyan unpi kte cin he. 1 Inyan 3:20, 21. Okolakiciye oumpapi kin he woekiye el un kta na sanpa icagin kta e ohinni woekiye unkeyapi kta iyececa, na tona Itancan hoyekiyapi kin hena ohinni okiwanjila eantekiciyapi kta e tokel unkokihipi wowaši econqonpi kta wašte, icin St. Paul hecel econušipi, 2 Tim. 2:22.

Wowicala kin hena el Okolakiciye Wakan kin he Wanjila, Wakan, Owancaya (Catholic) na, Wahošiyepi eciyatanhan u, eyapi.

Wanjila.

Christ wicaša na Wakantanka onnecage nopin yuha, qeyaš Christ wanjila, he iyecel Okolakiciye el taku wakan el un na wicaša, nagi tona opeyapi kin. Christ te šni itokab Taokolakiciye wanjila un kta lila eekiya: na he ognayan wicaša oyasin awacupipi na kuwa wicaši. Hecel Okolakiciye yuškiškapi kin woalitani, Ephesos 4:3-6. Okolakiciye Wakan kin tookiwanjila kin nonpakiya yuškiškepica: Wahošiyepi taanpetupi ehantanhan wowicala unyuhapi kin akagapi kin on, nahan aoptelyapi kin on. Okolakiciye wowicake kin he slolunyanpi kta hecinhan, toki un na wowicaka ecel yuha kinhan hee unkablezapi kta. Hecel oumpapi kin Christ wanjila, na Atkuku kici wanjila un kin, he iyecel unwanjipila kta, na wowicala kin he

okiwanjila yuha unqonpi kta iyececa.

Wakan.

Christ Okolakiciye Pa kin he wakan kin, heon Taokolakiciye nakun wakan; Woniya Wakan wanjila on ni na heon tona opapi hee cin wicayuwakan, Wakantanka toope wakan ogna igluha lakaš, na tona opapi kin hena oyasin wakanpi kta cin, heon Waki-couzapi wakan, Woonspe wakan, na Wocekiye wakan ogna econwicaši ece. Ephesos 5:25, 27; Olan. 20:28. Hecel Israel oyate tani kin iyecel oyate wakan heuncapi, 1 Inyan 2:9; Jer. 2:3; Wotapi wakan on wauntapi, Wowicala wakan unyuhapi, wakan eekiya yuha, Wicaša wakan yuha Itancan itokab maunnipi, icin tuwa wowakan yuha šni kinhan Itancan kin wanyakin kte šni. Heb. 12:14.

Owancaya (Catholic).

Okolakiciye Wakan kin he tuktelu, tohantu, na oyatepi tuwa eša el na ekta owanjila, akiyecel un tka. Christ waonspewicakiye hecel wawicaši qon onspewicakiya, St. Mark 16:15. Wicaša iyobila, taku oyate etanhan kaeša, Yamnipi kin cajeyal Baptisma qupi kinhan he Okolakiciye wakan owancaya (Katolik) kin opa na heon etanhan tokata malipiyata Okolakiciye kin el, Christ tawayin kta na oiyotanke itokab pazo kta išteca kte šni e ohinni owotanla ni un kta iyececa. Wayu. 21:2-4. Eya Christian oaletka wanji išnala Katolik unpi keiciyapi, na Christian ošpaye heca wicunyawapi qeyaš Okolakiciye woyakapi tawa kin eciyatanhan "wowacinye ehanni wicaša wakan wicagupi" kin he akagapi ea slolunyanpi na heon takuku yušanpi. Woope 19 wanyakapi wašte. Okolakiciye oumpapi kin he Wakiconza kin, Wowicala kin, Wicaša wakan hecapi heca, na Woonspe ecetuh yuha kin on Okolakiciye Owancaya (Katolik) un kin heca, na tohan wowicala unkeyapi eca hecel wicauhlapi unkoglakapi ece. Hehan na heon Okolakiciye wakan etanhan Wicaša wakan kin hena ohinni wicunyuonihanpi kta iyececa, icin Wakantanka Iye Toie oyakapi, wakie mzapipi unkiecipammipi, na unmagipi awanyakapi kin heon. Heb. 13:17.

Wahošiyepi eciyatanhanpi u.

Otokahe tona Wahošiyepi kte cin Wanikiya kin hena wicakalniga nahan onspewicakiya. Kini ohakab na iyepi el taniničiye qon "wowašake oyasin maqupi, maka na malipiya el. Ate tokel umaši kin iyecel yecišipi," ewicakiya. Nahan kini na wakan iyaye cin iyoko anpetu wikcemna topa kin, itokab waniyetu yamni onspewicakiye un eša, sanpa "Wakantanka tokiconze kin on taku cajeglata un," na wakan iyaye cin iyohakab anpetu wikcemna he-

hanl Woniya Wakan el wicahi na iyawicahan, na etanhan wanna Okolakiciye wakan kagapi kta akiyecel wowašake icupi. Heon Okolakiciye kin he Wahošiyepi akan ticagapi eyapi, Ephesos 2:20. Hecel onmicieye wanji Wahošiyepi etanhan woyakapi woonspe yuha šni hecinhan Okolakiciye heca ee ecimpica šni. Bishop na Wicaša wakan unkitawapi kin hena Wahošiyepi ikoyakapi na eciyatanhan wakiconzapi, Woonspe, na Wocon unqupi na unkokiyakapi kin he wowicake na wicalapica slolunyanpi.

Wakanpi Olakolkiyapi kin.

Wakanpi olakolkiyapi eyapi kin he wowicala el woeye inapeiyunka kin hee. Okolakiciye owancaya kin he wakanpi olakolkiyapi kin ee. Otokahe ekta "wakanpi" ewicakiyapi kin hena Christian oyasin hena kapi. Hena tona Jesus Christ el wicayuwakanpi, na tonipi na tohanpi kin on wakanpi kta cinpi kin hena eepi. 1 Kor. 1:2; 1 Inyan 1:15, 16. Wakantanka Ateyapi na Cinhintku kin ob wolakota yuhapi, 1 John 3:3; 1 Kor. 1:9; nakun Wakantanka Woniya Wakan kici, 2 Kor. 12:36. Maka akanl wakan unpi kin woyawašte wanjila yuhapi kin on, 1 John 1:7; wacinkieiyuzapi na okieciyapi kin, 1 Kor. 12:26; woekiye na wopila eyapi kin on, Wakantanka Toie nahonpi kin on, na wacantikiyapi wicohan kin, na iyotan Itancan wotapi wakan tawa kin on olakolkiyapi ece. Olan. 2:42, 47; Gal. 6:9, 10. Wakanpi tona Paradise el okilipapi kin is eya Wakanpi Olakolkiyapi kin le opapi na hena ob wolakota unyuhapi.

Woalitani

Woalitani eyapi kin he woope kicaksapi ee, 1 John 3:4; na he nonpakiya-otokaheyatanhan woalitani kin, nahan unkiye iyatayela econqonpi kin he woalitani unyuhapi. Otokaheyatanhan woalitani kin yuha untonpi, Psalm 51:5; tka Christ eciyatanhan, Baptisma unqupi kin on etanhan unkiyuskapi, Olan. 2:38; 22:16. Oyasin woalitani econpi na tuwenni okaptapi šni (Woope 16 kin wanyakapi kta), oyasin tawacin on, St. Matt. 15:19; naiš wicoie on, St. Matt. 12:34-37; naiš olanpi kin on walitanipi ece. Heon etanhan, Wakantanka etkiya itoheya unyanpi kta e onkiyapi kta Taniya Wakan kin iceunkiyapi kta, hecel Jesus Christ eciyatanhan, Ephesos 1:7; wawitani kin unkiecajujipte kte cin heon. St. Matt. 6:12; St. Luke 5:18; 26.

Woalitani kajajupi kin.

Woalitani on wokajuju woyawašte kin he unkiecapi kte cin on wowacinye. Olan. 10:43; Roma 3:20-26; woiyopeiciye. Olan. 3:29; unyuhapi kta iyececa, na

iyayustag wocekiye, Olan. 8:22; na woaltani unkoglakapi kta, 1 John 1:9; na awicakeya wicun-kapi e woanagoptan on unki-glutaninpi kta, St. Matt. 3:8. Wakantanka Iye el woaltani unkoglakapi kta, na anpetu iyohi sanpa na sanpa wowašte el, na Jesus Christ toslolye kin el unki-cagapi kta, Wico. Wakan 28:13; 2 Inyan 3:18. Tona Iye wacinyanpi on woaltani oglakapi kin wicakicicijujupi kta e Wicaša wakan tawa kin wowaške wicaqu, St. John 20:23.

Wi ate cin kinipi kta.

Wicašte cin kinipi kta Wowa-hokiciye tamila kin isinyan oyakapi, Job 19:25-27; Daniel 12:2; tka Teca kin el ecel yuataninpi, St. John 5:25, 29; 1 Kor. 15: 2 Kor. 5:10. Waniyetu-ohakab wetu, na hehan bloketu; maka omceage owecinhan ece kin: is-tinnapi etanhan kiktapi ece kin on wicakini kta iyacinpi selececa, 1 Thess. 4:13-18.

Wowapi tanni kin el wanjikji tapi keš piya niwicayapi kin on wounkiyakapi. 1 Wicaša 17:17-24; 2 Wicaša 4:13-37; 13:21. Tka Teca kin, St. Mark 5:22-43; St. Luke 7:11-16; St. John 11:38-45; Olan. 9:36-42 el Itaneanunyanpi kin on, St. John 20:1-8, wicašte cin kinipi kta e yuwicakeya unkokiyakapi. Owotanla unpi kin tancanpi piya najinwicakiyin ecela kte šni, tka "Iye tancan wakan omceage el icahwicayin kta, Philip. 3:21. Wicaša tapi eca tancanpi na nagipi kin wicayukinncanpi, tka woekicetu kin el, Christ, tuwa wiconšte na wicalapi ohiye cin towaške kin on ake wicayukiwanjila kta. Wicakini kte cin on ohinni untancanpi kin skaya na wakanyan unkiyuhapi kta iyececa, icin hena Woniya Wakan owicati na tona tancan iglušicapi kin hena Wakantanka ihangwicayin kta unkokiyakapi. 1 Kor. 3:16, 17; 6:19.

Wiconi owihanke wanice cin.

Wiconi owihanke wanice cin he wicaša tawa šni, tka Wakantanka iši cola wicaqu, Roma 6:23. Tona nipi kta, na wiconi owihanke wani mahpiyata omnyanpi kte cin takunni cinpi kte šni, Wayu. 7:16, 17; wokakije na okpaza cola unpi kta, Wayu. 21:4, 23. Ohinuni wookiye na wookilipe, Heb. 4:9; wowitan yuha, 1 Inyan 5:4; Wakantanka ite wanyakapi kta, 1 John 3:2; na wicaša slolyapi kin isanpa woyuškun yuhapi kta. 1 Kor. 2:9.

Yannipi wicalapi kin.

Wowicala woeye tokaheya ša glogan kin hena Yannipi Wakan on woyake, na tuwa nipi kta cinpi kinhan hena wacinyanpi kta. St. Mark 16:16 na St. Matt. 28:19 iciwanyakapi kta. Wowacinye kin le ognayan Baptisma unqupi, na tohan wakan cekiyapi

el "Ateyapi kin na Cinhintku kin na Woniya Wakan" eyapi ca ohinni kiksuyekiyapi, nahan iyotan Yamni Taaupetu kin iye-han unki-suyapi kta iyececa. Yamni Wakan kin el unkitancanpi, unkitaniya kin, na ummagipi kin waunki-yulitatapi kta iyececa, 1 Thess. 5:23. Le ognayan Okolakiciye Wakan kin, Wotapi wakan woecan kin el aguyapi na mini ša yuwakanpi ohakab "Na lehan, O Itanean niye el elipeun-kiyapi, unkiyepi, unkitancanpi na ummagipi iyecetuya, wakan-yan, niyake waunkiciglušnapi" eye cin on econunšipi, na unki-suyapi wašte. Woeye ehake topa kin Christian wowašte zap-tan cajeyata na iyotan Okolakici-ye Wakan Owancaye kin on on-speunkiyapi.

Wowapi Wakan Yawapi Wowakiya.

Yewicašipi ohanyanpi kin.

1. Wahošiyeye ohanyanpi kin le St. Luke wowapi inonpa kage, na Theophilus tuwa on Wotanin wašte on kage çon keye cin le kicaga. Wanikiya toni maka akau Taniya Wakan on, na Wahošiyeye wakan iwahokonwicakiye cin heon woyake. Heon etanhan wowapi kin le Woniya Wakan wotanin wašte tawa kin cajeyata-pi ece.

2. Tuktel na watohan kagapi. Tohan wowapi kin le kage cin yatinsya oglake šni, tka takuku cajeyate cin on, tokaš Roma otowe el, St. Paul kici ye çon, hel kaga naceca. (Olan. W. 28) Wicolian wakan iyayustag taku ikeeka econpi, tuwa egna uu na wanya-ke iyecel oyake cin on, na Jeru-salem otowe ihangyapi cajeyate šni kin on, heconpi šni itokab wowapi kin le kaga selececa, na A. D. 61 taku ehake woyake cin on owekiniš ohakab iecala A. D. 63 he ehan kage naceca.

3. Tokeca kin. Wowapi kin le takuku "tokaheya" kin hena oyaka. Christian Okolakici-ye tokaheya kagapi na sam icage cin he oyaka. Wahošiyeye wape-tokeca tokaheya econpi, wowahokoukiye tokaheya, Okolakiciye wakan woecan tokaheya, šicaya wicakuwapi tokaheya, martyr tokaheya, Ikcewicaša etanhan Christian tokaheya, Europe makoce ekta Christian Okolakiciye tokaheya kin on woyake. Oieska wowapi wan "Codex Sinaiticus" eyapi kin el wowapi kin le "Ohanyanpi" ecela cajeyatapi, na Wahošiyeye ohanyanpi unkeyapi kinhan yatinsya unkeyapi kta, icin St. Peter, na iyotanš, St. Paul tohanpi kin on woyaka.

4. Taku oyake cin. Wowapi kin le nonpakiya kiyušpapi kinhan, tokaheya kin el St. Peter tohan kin he unkablezapi kta, (W. 1-13:3); na inonpa kin el St. Paul tohan kin, (W. 13:4-W. 28) el tanin kta.

1. (a) St. Peter tohan oyake cin icunhan Christian okolakici-ye tokel icage nahan Samaria el wotanin wašte oyakapi kin, na Jerusalem el na Juda el Okolaki-kiye sutaya eglepi kin, (W. 1-8); na (b) šicaya wicakuwapi tokahe-ya, na Okolakiciye kin Samaria el kagapi, Kornelius na tiwahe Christian wicakagapi kin, (W. 8:11; 13); (c) šicaya wicakuwapi inonpa na Antiyoka el Okolaki-kiye kagapi kin, (W. 11:19-13:3)

2. St. Paul tohan kin. Tokel Okolakiciye wakan Ikcewicaša wicakicahipi kin: (a) St. Paul kicopi na tokaheya omani kin, (W. 13:4-15:5); (b) Jerusalem ekta omniye econpi na Okolakiciye opapi kta on woop kagapi kin, (W. 15); (c) Inonpa omani kin, (W. 15:36-18:22) (d) Iyanuni omani kin, (W. 18:23-21:18); (e) St. Paul Kesarea el kaškapi na ohakab Roma otowe ekta ye cin, (W. 21:18-28).

5. Lecel oyaka cin on, tokel Juda oyate etanhan omniye wan inanpe ca ohanketa Okolaki-kiye Wakan Owancaye un kin yu-atanin. Wotanin wašte iyanuni owapi kin el Christ etanhan woyawašte kin owancaya tawapi kta oyake iwaunyakapi çon wowapi kin le el glatinza selececa; tka wotanin wašte el oyake cin wo-kean iyacinyan eya, na wowapi kin le el tokel yuecetupi, yuwica-kapi kin ecel oyaka, na hececa e tuwa keša slolyapi kta on wico-lian ikeeka econpi kin iyayustag wicakeya oyake cin on taku tona eye cin oyašin wowicake heca slolunyanpi.

Bireh Coolie, Minn. etanhan.

Hekta April 10, 1901, he ed ake Winyan Omniye kin apiciyapi qa he dena oitancaan wicakalun-gapi kin dena eepi. Winyan itanean kin Lucy Hebbard; Okihe kin Maggie Whipple; Mazaska awanyake cin Lucy Columbus; Wowapi kage cin Mary Wabashaw; Walpaye awanyake kin Mrs. Jackson qa Mrs. Wapata; Wannayan kin Lucy Taopi qa Julia Jones. Iho denakeca wiakenonpa kin de ed litaunmipi kta e unyuštunpi, heced tokin wicolian kin de ed tona unyakonpi kin owasiin tanyan iyounptapi qa unkeyapi qeš unkecinpi. Ecin wicolian kin de taku ikeeka heca šni, he Wakantanka litaun-kinipi wicolian kin de wašte tuka hehand okimi tuwe owasiin ohmayan ihduhe kte cin hec telika naceca, ecin he wašte kin on etanhan. Heon etanhan winolica tona de omaka kin de opta un-yanpi kte cin ed unkiyeci-yapi kta, heced winyan omniye yan-uni kin tona de wandakapi kin on unyeksuyapi qeš unkecinpi. Oyate kin de Bishop Whipple ta-wawicaya qa awanwicayake qa waštewicadake, tukte ohna owotama yapi kta qa iyoptapi kte

cin hena on. Heon etanhan iš eya ded oyanke kin he cistinna qa untomapi esta nina unkiyeci-yapi, qa kakije qa wanyazanke cin hena on ed eunkicetonwanpi qa onšikiçidapi. Iho hena hece-tu, heon etanhan wowapi wakan oelhe kin de unki-suyapi: "Tona tipi wakan kin ed kicanyanpi kin hena tipi wakan etanhan nipi ece, sdonyayapi šni he; qa tona wahna wošnapi kin ekta ohanyan-pi kin hena wošnapi kin etanhan wotapi ece. Heceed nakun Itanean kin woop kaga; tona wotanin wašte oyakapi kin hena wotanin wašte kin on nipi kta." 1 Kor. 9:13, 14. Mitakuyepi owasiin cante on napeciyuzapi, Nitakuyepi wanji niye.

Miss Mary Wabashaw.

Pine Ridge Agency,

Eagle Nest Creek el Geth-semane Chapel etan.

Anpao wašte kin:-

Mitakola, Ake taku wanji hecetu šni tka Dakota oyate kin lila econpi sa. Oecon-na kausu kutepi sa kin en waye-kiyapi heca obe ota yuha icagapi, na hena econ wašte dakapi na iyokipipi, tka tuktektan taku ye-kiyapi ohiyapi kin heca on wico-ie ota na šikšica ekiciyapi na hau-keya šicaya okicilanyanpi yuke. Hena taku wanji telindapi keš yekiyapi na tohan ohiyapi eca hececa ece. Tka hekta Dakota en token oeconna wicolian wanke cin behanyan takuma epin kte šni, tka dehan taku iyotan cajemdate, kta wacin kin he dee. Tona Christian hecapi kin hena token niunpi kin en taku šica na taku wašte kin nopin sdonyapi kte cin hee. Ecin tuwa taku šica wan wanyake na sdonya econ kinhan woaltani icicaga e sdonunyanpi na he woante šica, woihangye na woteli behanyan iyakdeya wanka. Unkan dehan Dakota oyate kin en Oeconna wicolian wanji ohinni wanka. Maka oto-iyohi na iyehantu eca tona Oko-dakiciye Wakan opapi na Wakantanka wacinyan hecapi kin ota, oeconna kin on kakam elipe-unyanpi ece. Tuktektan wan-jikji nahma wayekiyapi na nah-mana oeconna en yapi ece na anpetu wan en wacekiyapi kte cion akiktanš unyanpi, tka iše oeconna kin he wokamna wašte ee eyapi sa na tohanyan unkiyehipi iyaunkišapi ece. Iho, wicaša wan taku tawa kin he token wašakayena yaki kte cin lila ilu-kean ece, na wicaša wan wokali-nige šni yada na niye wokali-nige niçida, on etanhan tohan šunka wakan nom inyanakapi kte cinhan unma tukte duzahan iducean kin he yeyeciciye kte hecin na on wicaša wan taku tawa yaki eca on šika wicaša çon icante šica keš ican hotankakiya ayaša eca inihanyaye ece. Heceen tuwe awicakehan Wakantanka wacinyan

kecin eša tohan šunka wakan wanji lila duzahan yuha na obinini cajeyatapi kinhan lila duzahan dakaš kohanna woahitani kin anatan na kikdega ece; hececa eca hehan wicaša obinini woahitani econkiya ece, ecin saupa kikdeli aye cin heon. Tka tuwe šunka wakan duzahan takudan yuhe šni tašunke kin hunke šni lianhiyaya ece dakaš taku itokam yanke cin owasin tanyan abdeza heon woahitani wan wanyake cin aohomni iyaya na obinini tanyan ya ece ye do. Iho oconna kin en wowiyukean wowicaša šni on wawicayaki kin he šice do. Hecen ito awacin po. Wicohan kin de lila awacanmi tka taku on iwaste kta takuma iyewaye šni. Eya iknuhana taku wanjininice hea e' obiyaye cinhan heon pidaničiye kta na icante niwaste kta na icante niwaste kta kecanni eša he hecetu šni. Wicaša wan tawa wowicaša šni on yaki eca nakaha ohakam onšike icantešin ičiye ecee he icunhan niš pidaničiya kecanni tka he woahitani heca e sdonya yo. Iho mitakodapi, ito de unkiyukanpi kta ye do. Matt. 27: 38.

Samuel B. Rope.

WOTANIN IKCEKA

May wi icunhan, President McKinley, titakuye na takolaku wanjigji ob, mazacanku ogna tankaya omani. San Francisco, California, hehanyan ihunipi, yunkan ekta Tunkansilayapi tawica kin he lila hein wayazanka. Oiyokipiya omanipi tka icunhan Tunkansilayapi kin tawicu kičin kta se tokecela lipaye cin on woiyokišica tanka yuha. Nahanhecin akisni šni ecel tiyata akipi yunkan hehantanhon Tunkansilayapi ti kin ekta tokelokihi pica tanyan kuwapi yeša nahanhecin hecena lila wayazanka.

Le wetu kin, United States onšpa tanka lila mağaju sa kin on wojupi owasin tan tanyan icağa. Kansas makobašpe kin ekta ağıyapi lila ota kta tanin kin on tokantanhon wicaša ota owicakiyapi. Ağıyapi kašlapi kinhan wowaši ota kta on wicaša koktopawinge wikcemna nonpa wahecetu tokantanhon owicalotapi cinpi kta keyapi. Tuwe wakanna kta cin kinhan, ekta yin na owicakiya waste selececa.

Sissetonwan Owakpanni ekta owayawa tanka kin el itanean kin, Mr. McArthur eciyapi kin he ateyapi wicohan kin koya yuha kta yuštampi. Nakun owakpanni ekeqala wanjigji ekta kta iyeeel kağapi.

Mazacanku wanji, Elkhorn Valley eciyapi, he tawapi kin June 12th ehand Oglala oyate

ptobleška tacanku owicakipi kta icewicakiyapi. Oglala tamakoce wiyohianpatanhon opapnu kin he ogna kapi, yunkan Makizita wakpa hetanhon Nebraska makobašpe iyagleya makoce oglakinyan eanku iyatapi zaptan hiſskokeca oiotapi cinpi. Eya nahanhecin tanyan yuštampi šni naceca tka tokeya iwoglakapi kin ekta Oglala wicalapi šni. Makoce iyotan waste yuhapi kin ogna eanku lipayin kta yunkan lila oglakinyan tanka kta cinpi selececa.

Otokabe ekta mazacanku oyašiu kinil campagni itanean kin ogna can ece aonpapi Itahena can ayuštampi yunkan maka cabili heca ece aonpapi. Lecala ake iglutokeca yunkan hunli wanna wigli hecela aonpapi waste iye-yapi. Iyotan Texas na California makobašpe kin onšpašpa ekta can na makacabili nupin lila telika tka wigli wanji petroleum eciyapi kin heca ota yukan canke he iyutapi yunkan lila waste keyapi.

Buffalo otonwe ekta wapazopi tanka kin he wana tanyan inyanka. Lakota hel unpi kin minihaha tipi ogna maka spaya el tipi yunkan hunli wayazankapi mainš tiyata kiksuyapi on iyokišicapi yunkan glicupi.

Navaho ewicakiyapi kin ataya koktopawinge wikcemna nonpa (20,000) hecakecapi. Tawakanheja wayawa yapi kta iyeececa kin inš koktopawinge yanni sanm iyeya eša tokani wayawapi šni. Oyate kitanla tankapi kin inšala owayawa tanyan wicakipi yuhapi šni. Owayawa kin wakanheja opawinge nomlala heceglala kipiya glepi. Hececa lakaš tawakanheja woonspe wastešte takumi slolye šni icağapi yunkan oyate tokata iwasteši kta takte e tanin šni. Eya oyate wasteši yunkan tamakoce kin tokel okihipi kin tanyan wowinlagyapi kta kuwapi ehaeš sanm onspe ayapi wanice. Hececa lakaš on owicakiyapi kta ihankeya waste kin he owayawa sanpa tanka na ota yuhewicakiyapi kin hee kta Board of Indian Commissioners iyukeanpi na Ikcwicaša Tunkansilayapi kin hecon kta icakiyapi. Arizona na New Mexico makobašpe kin he naos el makoce yuhapi yunkan ekta talcaš, mkala lila ota icalwiceyapi na hin kin etanhon šina glegieğa wastešte nape on kağapi na hetanhon wokanna yuhapi. Mazawikazonte on šina kağapi onspapi kinhan mazaska sanpa lila ota kanna okihipi kta tanin kin on etanhon tawakanheja wicohan kin he onspewicakiyapi waste keyapi.

Penobscot ewicakiyapi kin Makobašpe ekta onyanpi. Hena inš eya iſceoyate yunkan wa-

šicun wicegna onyanpi eša tanyan oičihipi selececa. Tuweni owicakiye šni. Wowaši econpi kin on niči yapi. Can ha na peji wastešma on taku wastešte kali wayupikapi. Wata eicila owanyagwaste, na napoštan opiye, na wiyušla ojuha, na hiipašku ogna iyeyapi, na wiciteowapi ogna gnakapi, na taku toktokeca ota wayupiya kağapi. Wašicun kin taku hececa lila opetonpi canke obinini sanm wastešte na sanm olota kali ayapi.

Hahtonwan na Isanyati, Minnesota makobašpe ekta nupi kin iyecinkala taku oyuha wastešte wanjigji wiyopeyapi kta kağapi sa yunkan Miss Sybil Carter lila onspewicakiya na owicakiya on etanhon wanna minihaha zibzipe-la hałonta yuskis kitapi on kağapi heca lila owanyagwaste kali onspe ayapi yunkan hetanhon tanyan wakanuapi.

Lakota kin hunli taku wowinlag pica na wiyopeye pica wastešte kağapi kta okihipi. Taku hececa kinhan, tantanyan kağapi hantans, tanyan wiyopekiyapi okihipi. Toka lakaš wicohan kin le saupa ekta etouwanpi šni hwo? Hel wakanna wicakiciyanka tka takušnikiyapi selececa kin he toka hwo?

Maka sitomniyan wicaša hiye-ye cin hena oyašin hein owanjila wasuwicakiyapi kin, Ite temipi kin on woyute glutapi kta he wanji ee. Nahan nakun St. Paul he kitanla togya oyaka na heya: "Tuwa wowaši econ kta wicalašni kinhan, he wotin kte šni." He Wakantanka Iye hea e ca hecel wasuwicakiye con wana maka kin owancaya saupa otanin aya. Tukteltu eyaš wobiliheca, na wowaši econpi, na saupa waonspei-čiciyapi, na iš' eš' oya škingiyapi kin wikicanye se yuha škanpi kinhan maka akanl sanpa wapiya onnye ayapi, nahan icunhan wicaša tuweke qe yaš wikicanye kin hena kokipa na wowinlagyin kta tawatele ye šni hantans he saupa walpanica aya.

Waonsikičiakapi kin he waste. Tka wicaša wanji škanpapi kinhan, woyute na hayapi makoskan qupi kin he wowionšila heca šni. On sanpa yuščapi na taku okihišnikiyapi kta hee. Hececapi can, hecena akihančiya nupi kta iyowinwicakiyapi kin he wowaonsila waste kin ee. Owekinahans telihlolyeči yapi on ipliči yapi kinhan lila hein tancopila na ločipi kin he ehašales wicavuhicin na onnye šice qon he etanhon niči yapi kta seca. Tuwa oiči yin kta cin škan na el okiyapi kin he wowaonsila awicakehan kin ee.

WICATE

Choteau Creek, S. D. Thomas qa Carrie Bates taku-

wiconyanpi kin okodakiciye wakan ed tewiconhidapi kin, dehan maka woteli wanji iš akipapi conwintkupi Ellen Bates wicincana owanyag waste qa telidapi heca March 17, 1899 tonpi, qa April 12, 1901, ſe.

Maggie Tatewayakewin May 23, 1901, ehand ſe Thomas Manhi-piyakdinape he tawicu, Waniyetu 55. J. G.

BROTHERHOOD OF ST. ANDREW.

May 25, 1901.

St. Andrew Sunkakiciyapi kin yuwitawa Anpao kin ed witaya womnaye wanji econqonpi e owasin sdonyayapi. Toka hwo! iyuha ništini hwo. Chapter iyuha wanna wowapi iči yapi qe-yaš amayaduptapi šni, heon ake Anpao kin de on nipaninipi kte do. Chapter No. 471 hetanhon amayuptapi, tka takuna ipida manyanpi šni. Chapter No. 1301 Yankton Agency etanhon eena \$0.25 wanna manqupi. Hekta Convocation mniciyapi qonhan, unkiš eya mnicieye unškanpi, qa he ed wocon wanji unkišuyapi kta waste. Sept. 22, 6:30 Sunkakiciyapi yuwitaya wotapi wakan icupi, qa econhan Baptisma wakan woči conze kin, qa Sunkakiciyapi kin on piya, wacinan qa yatinsya unkiš conzapi qon he. Baptisma kin ed "wica iyeeel wapaha tawa clidateya okieize econ kta" unkekičiyapi, qa hetu ca on ake akta hecin Sunkakiciyapi kin ed Christ tokiconze kin ed wowaši econqonpi kta ca unkiš conzapi.

Kounškap: kin woči conze nonpa kin ed toked škin unkiči yapi hwo. Wan! qeva inajin po qa wokieize kin ekta e'onwan po ota ececa ed ewaoncinpi šni sece iš unkiš conzapi sece. Winyan onnicieye tawicohan kin kiei iciwanyakapi ca, wan woštece ke do. Ehanha okieize unkan akieita yusien awicapi unkan koška ota tawate yapi šni qa winyan ihdnzapi qa canakanyan-kapi ohna naičiptanptan wakagege yankapi ece keyapi. He ehan iyesh winyan kin akieitapi kta e mrawicayapi unkanš ake iyeg ohitiyena škanpi kte tka. Dehan he iyeececa se unqonpe do. "Christ Okodakiciye tawa maka akan okieize on kin" ed oonpapi kta e unkičupi, tka ota hehanyena otawate l unyanpi šni, unkičipi on unkičihipi šni hecinhan womnaye kin he inapšičiya ked toked okihika econ qonpi waste tka. Itahcin wipe kin owas unkičupi qa unqupi qe yaš yuha winyan unkağapi qa inahma unyanpapi ecan iyeege winyan kin kikiyan maka opoya okieize econpi. Wan! hena wachi un iyapi kta e hecel škanpi šni, econhan tiyohuni šni naukape do. Inapa po qa wokieize kin ekta etouwanpo.

Iyopšičiyapi qe yaš šikdapi šni po, ee inahni po. J. Goodteacher, A. M. A.